

STJÓRNARTÍÐINDI B 22 — 1972

5. júlí 1972.

495

Nr. 209.

AUGLÝSING

um, að Norðurlandasamningur um almannaskráningu
taki til Grænlands.

Með samkomulagi yfirstjórna almannaskráningar í Danmörku, Finnlandi, Íslandi, Noregi og Svíþjóð hefur verið ákveðið, að samningur um almannaskráningu milli þessa ríkja skuli frá og með 1. júlí 1972 taka til Grænlands (sbr. 2. málsg. 7. gr. í Norðurlandasamningi, sem undirritaður var í Osló hinn 5. desember 1968, og birtur er sem fylgiskjal með auglýsingu utanríkisráðuneytisins, nr. 2 24. febrúar 1969).

Samkvæmt þessu er hér með tilkynnt, að ákvæði auglýsingar nr. 178 22. september 1969, um almannaskráningu við flutninga milli Íslands og annarra Norðurlanda, taka til Grænlands frá og með 1. júlí 1972.

Hagstofa Íslands, 5. júlí 1972.

F. h. r.

Kl. Tryggvason.

Ingimar Jónasson.

19. júlí 1972.

Nr. 210.

REGLUR

um félagsheimilið Lyngbrekku.

1. gr.

Nafn félagsheimilisins er Lyngbrekka í Álftaneshreppi, Mýrasýslu.

Lóðin er gefin af ábúendum og eigendum jarðarinnar Arnarstapa, Álftaneshreppi, Mýrasýslu.

Lóðarstærð: 9.3 hektarar.

Eigendur félagsheimilisins eru: Hraunhreppur, Álftaneshreppur, Ungmennafélagið Björn Hitdælakappi og Ungmennafélagið Egill Skallagrímsson.

2. gr.

Húsnefnd, kjörin árlega, stjórnar félagsheimilinu. Nefndin skal skipuð einum fulltrúa frá hverju eignarfélagi. Húsnefnd skiptir sjálf með sér verkum. Hún skal halda nákvæma gerðabók um störf sín. Ef félagsheimilið hættir störfum, skal afhenda Þjóðskjalasafni gerðabækur þess til vörzlu.

3. gr.

Húsnefnd heldur fundi, er þurfa þykir. Skylt er henni að halda fundi, ef helmingur nefndarmanna æskir þess.

Aðalfundur eigenda félagsheimilisins skal haldinn ár hvert. Skulu þangað kvaddir með hæfilegum fyrirvara fulltrúar allra þeirra félaga, sem eru eigendur félagsheimilisins.

Á aðalfundinum skal húsnefndin leggja fram rekstrar- og efnahagsreikninga félagsheimilisins fyrir síðastliðið ár, endurskoða af endurskoðendum sveitarstjórnar- reikninga eða löggiltum endurskoðanda. Einnig leggur hún fyrir fundinn fjárhagsáætlun fyrir félagsheimilið á yfirstandandi ári. Fjárhagsáætlunin skal gerð svo nákvæm sem unnt er. Eigi má efna til verulegra útgjalda, nema samþykkt hafi verið á aðalfundi eða aukafundi sömu aðila og sæti eiga á aðalfundi. Gildir þetta jafnt um rekstrargjöld og stofnkostnað. Reikninga og fjárhagsáætlun skal bera undir atkvæði fundarmanna. Húsnefndarmenn hafa hver um sig eitt atkvæði á aðalfundi og hver félagsstjórn þrjú atkvæði. Félagsstjórnir eignarfélaganna skýra frá því á aðalfundi, hverja þær hafa valið af sinni hálfu í húsnefnd næsta ár.

Afrit af ársreikningi félagsheimilisins skal senda félagsheimilasljóði. Félagsheimilið skal rekið sem sjálfstæð stofnun með eigin reikningshaldi.

Almanaksárið skal vera reikningsár þess.

Verði ágreiningur innan húsnefndar, skal formaður stjórnar eigendafélagsins skera úr.

4. gr.

Aðalverkefni húsnefndar eru:

- a. að ráða húsörð, þar sem þess er þörf að dómi aðalfundar, setja honum starfsreglur og sjá um, að þeim sé fylgt;
- b. að ráða annað starfsfólk, ef aðalfundur telur nauðsynlegt. Leita skal umsagnar húsvarðar um ráðningu starfsfólks, sem á að vinna undir hans stjórn.
- c. að ráðstafa félagsheimilinu til afnota fyrir eigendur og aðra;
- d. að ákveða gjöld fyrir afnot hússins;
- e. að annast kaup nauðsynlegra tækja og áhalda;
- f. að sjá um viðhald og endurbætur húseigna, húsbúnaðar og áhalda;
- g. að sjá um, að ræsting félagsheimilisins (húss og lóðar) sé jafnan í góðu lagi og gætt sé ýtrasta hreinlætis;
- h. að sjá um, að húsið sé hæfilega hitað og lýst;
- i. að sjá um, að löggæzla sé á samkomum, ef þess er þörf.

5. gr.

Eigendur félagsheimilisins skulu eins og aðrir greiða leigu fyrir afnot hússins.

Skylt er þeim að heimila félögum, er greinir í 1. gr. laga nr. 107/1970, um félagsheimili, innan sama byggðarlags afnot af húsinu gegn hæfilegu gjaldi, ef eigi fer í bága við eðlilega þörf eigenda sjálfra fyrir húsið. Verði ágreiningur um, hvort slíkt félag eigi rétt á afnotum af félagsheimili, sker menntamálaráðuneytið úr.

6. gr.

Leiga fyrir afnot félagsheimilisins skal ákveðin svo há, að nægilegt fé fáiist til þess að innna af höndum nauðsynleg gjöld, ef stofnuninni koma eigi aðrar tekjur.

7. gr.

Þess skal gætt, að húseignir, áhöld, húsbúnaður allur og fatnaður sé jafnan hæfilega vátryggt.

8. gr.

Félag, er samkomu heldur í félagsheimilinu, skal hafa þar gæzlumann af sinni hálfu. Ef húsvörður er enginn eða eigi við, þegar samkomu lýkur, skal gæzlumaður annast öruggan og vistlegan viðskilnað við, húsið samkvæmt forsögn húsvarðar eða annars trúnaðarmanns húsnefndar.

9. gr.

Að lokinni hverri notkun félagsheimilisins skal húsvörður eða húsnefnd sjá um ræstingu þess. Árlega skal fara fram ræsting alls hússins.

10. gr.

Ganga skal þannig frá lóðinni umhverfis félagsheimilið, að auðvelt sé að halda henni snyrtilegri, og skal húsvörður eða húsnefnd sjá um, að hún sé jafnan vel hirt. Lóðina skal girða traustri, gripheldri girðingu, er haldið sé vel við.

11. gr.

Fánastöng skal koma fyrir við húsið. Hún skal vera traustlega fest og máluð hvít. Húnn og snerill mega þó vera í öðrum lit. Fánasnúran skal ávallt vera heil. Stöngin skal vera í tveim hlutum, þannig að auðvelt sé að fella hana. Þess skal vandlega gætt að nota einungis fána með réttum litum og hlutföllum.

12. gr.

Árlega skal athuga húseignina alla vandlega með eðlilegt viðhald og endurbætur fyrir augum.

13. gr.

Skemmdir á húseign, áhöldum og húsbúnaði umfram eðlilegt slit skulu þeir bæta, er spjöllum valda.

14. gr.

Í félagsheimilinu má hvorki veita áfengi né neyta þess. Húsnefnd getur svipt þá, er gegn þessu brjóta, aðgangi að félagsheimilinu tiltekinn tíma.

15. gr.

Reglur þessar eru settar með skírskotun til 8. gr. laga nr. 107 28. október 1970, um félagsheimili, og öðlast þegar gildi.

Í menntamálaráðuneytinu, 19. júlí 1972.

F. h. r.

Birgir Thorlacius.

Árni Gunnarsson.

REGLUR

um rekstur félagsheimilisins Árness.

1. gr.

Nafn félagsheimilisins er Árnes í Gnúpverjahreppi, Árnessýslu. Lóðin er gefin af Valintínusi Jónssyni, bónda, Réttarholti og er ca. 100 000 fermetrar að stærð. Mörkum ræður þjóðvegurinn að sunnan, landamerki Réttarholts og Stóra-Hofs að vestan og Kálfá að norðan, en girðing að austan. Eigendur félagsheimilisins eru Gnúpverjahreppur, Ungmennafélag Gnúpverja og Kvenfélag Gnúpverja.